

## DRAMATIS PERSONAE

MEDEA  
 NUTRIX  
 CREO  
 IASON  
 NUNTIUS  
 CHORUS

## MEDEA

MEDEA

Di coniugales tuque genialis tori,  
 Lucina, custos quaeque domituram freta  
 Tiphyn novam frenare docuisti ratem,  
 et tu, profundi saeve dominator maris, 5  
 clarumque Titan dividens orbi diem,  
 tacitisque praebens conscium sacris iubar  
 Hecate triformis, quosque iuravit mihi  
 deos Iason, quosque Medae magis  
 fas est precari: noctis aeternae chaos, 10  
 aversa superis regna manesque impios  
 dominumque regni tristis et dominam fide  
 meliore raptam, voce non fausta precor.  
 nunc, nunc adeste, sceleris ultrices deae,  
 crinem solutis squalidae serpentibus, 15  
 atram cruentis manibus amplexae facem,  
 adeste, thalamis horridae quondam meis  
 quales stetitis: coniugi letum novae  
 letumque socero et regiae stirpi date.  
 mihi peius aliquid, quod precer sponso malum:  
 vivat. per urbes erret ignotas egens 20  
 exul pavens invisus incerti laris,  
 iam notus hospes limen alienum expetat;  
 me coniugem optet, quoque non aliud queam  
 peius precari, liberos similes patri  
 similesque matri—parta iam, parta ultio est: 25  
 peperit. querelas verbaque in cassum sero?  
 non ibo in hostes? manibus excutiam faces

2 domituram freta *E*: domitorem freti *CPS*    6 tacitisque *ECS*: tacitumque *P*  
 10 aversa *EP*: adversa *CSKQelur*    13 nunc nunc adeste *Ee*: adeste adeste  
*CPS*    19 mihi peius aliquid *Avantius*: date peius aliud *Richter*, alii aliter  
 22a et 23a transposuit *Leo*    25 parta iam parta *CPS*: pariat iam parta *E*  
 ultio *CPS*: vitio *E*    26 sero *E*: fero *CPS*

caeloque lucem—spectat hoc nostri sator  
 Sol generis, et spectatur, et curru insidens  
 per solita puri spatia decurrit poli? 30  
 non redit in ortus et remetitur diem?  
 da, da per auras curribus patriis vehi,  
 committe habenas, genitor, et flagrantibus  
 ignifera loris tribue moderari iuga:  
 gemino Corinthos litore opponens moras 35  
 cremata flammis maria committat duo.  
 hoc restat unum, pronubam thalamo feram  
 ut ipsa pinum postque sacrificas preces  
 caedam dicatis victimas altaribus.  
 per viscera ipsa quaere supplicio viam, 40  
 si vivis, anime, si quid antiqui tibi  
 remanet vigoris; pelle femineos metus  
 et inhospitalem Caucasum mente indue.  
 quodcumque vidit Pontus aut Phasis nefas,  
 videbit Isthmos. effera ignota horrida 45  
 tremenda caelo pariter ac terris mala  
 mens intus agitat: vulnera et caedem et vagum  
 funus per artus—levia memoravi nimis:  
 haec virgo feci; gravior exurgat dolor:  
 maiora iam me scelera post partus decent. 50  
 accingere ira teque in exitium para  
 furore toto. paria narrentur tua  
 repudia thalamis: quo virum linques modo?  
 hoc quo secuta es. rumpe iam segnes moras:  
 quae scelere parta est, scelere linquenda est domus. 55

## CHORUS

Ad regum thalamos numine prospero  
 qui caelum superi quique regunt fretum

29 spectatur *E*: spectator *CPSe*<sup>2</sup> 32 patriis *E*: patris *CPS* 35 corinthos  
*E*: -thos *CPKQ*: -tho *S* litori *codd.* (-tt- *P*): litore *Gronovius* 36 com-  
 mittat *ECPS*: committet *Lipsius* 41 pontus aut phasis *E*: phasis aut pontus  
*CPS* 48 per artus *Ee*<sup>2</sup> *lur*: peractus *CPS* (*corr.* *S*<sup>2</sup>, peractum *C mg.*)  
 52 narrentur *Eelr*: narrantur *CPKQ* 53 linques τ: linquis *ECPS*  
 55 parta *EQI*: pacta *CPS* (*corr.* *S*<sup>2</sup>) *Kenr* linquenda est *E*: linquetur *PSKQlur*:  
 linquatur *C7*

adsint cum populis rite faventibus.  
 primum sceptriferis colla Tonantibus  
 taurus celsa ferat tergo candido; 60  
 Lucinam nivei femina corporis  
 intemptata iugo placet, et asperi  
 Martis sanguineas quae cohibet manus;  
 quae dat belligeris foedera gentibus  
 et cornu retinet divite copiam, 65  
 donetur tenera mitior hostia.  
 et tu, qui facibus legitimis ades,  
 noctem discutiens auspice dextera  
 huc incede gradu marcidus ebrio,  
 praecingens roseo tempora vinculo, 70  
 et tu quae, gemini praevia temporis,  
 tarde, stella, redis semper amantibus:  
 te matres, avide te cupiunt nurus  
 quamprimum radios spargere lucidos.  
 Vincit virgineus decor 75  
 longe Cecropias nurus,  
 et quas Taygeti iugis  
 exercet iuvenum modo  
 muris quod caret oppidum,  
 et quas Aonius latex 80  
 Alpheosque sacer lavat.  
 si forma velit aspici,  
 cedent Aesonio duci  
 proles fulminis improbi  
 aptat qui iuga tigribus, 85  
 nec non, qui tripodas movet,  
 frater virginis asperae;  
 cedet Castore cum suo  
 Pollux caestibus aptior.  
 sic, sic, caelicolae, precor, 90  
 vincat femina coniuges,  
 vir longe superet viros.

59 primum *E*: primus *CPS* 73 avide *CPS*: avidae *E* 75 vincit *Eer*:  
 vicit *CPKQln* 82 post 83 *CPS*

Haec cum femineo constitit in choro,  
 unius facies praenitet omnibus.  
 sic cum sole perit sidereus decor, 95  
 et densi latitant Pleiadum greges  
 cum Phoebe solidum lumine non suo  
 orbem circuitis cornibus alligat.  
 ostro sic niveus puniceo color  
 perfusus rubuit, sic nitidum iubar 100  
 pastor luce nova roscidus aspicit.  
 ereptus thalamis Phasidis horridi,  
 effrenae solitus pectora coniugis  
 invita trepidus prendere dextera,  
 felix Aeoliam corripe virginem 105  
 nunc primum soceris sponse volentibus.  
 concesso, iuvenes, ludite iurgio;  
 hinc illinc iuvenes, mittite carmina:  
 rara est in dominos iusta licentia.

Candida thyrsigeri proles generosa Lyaei, 110  
 multifidam iam tempus erat succendere pinum:  
 excute sollemnem digitis marcentibus ignem.  
 festa dicax fundat convicia Fescenninus,  
 solvat turba iocos—tacitis eat illa tenebris,  
 si qua peregrino nubit fugitiva marito. 115

## MEDEA—NUTRIX

## MEDEA

Occidimus, aures pepulit hymenaeus meas.  
 vix ipsa tantum, vix adhuc credo malum.  
 hoc facere Iason potuit, erepto patre  
 patria atque regno sedibus solam exteris  
 deserere durus? merita contempsit mea 120

93 femineo E: virgineo CPS 94 praenitet E: preminet CPS: preminet er  
 95 sidereus E: sideribus CP(sy-)S 97 solidum E: solitum CPS  
 102 horridi E: horridis CPS 105 aeoliam E: aoniam CPS corripe E:  
 prendito CPS 106 soceris CPS: socero E 115 fugitiva E: fugitura  
 CPS 117 credo Eclm: condo CPSKQd

qui scelere flammam viderat vinci et mare?  
 adeone credit omne consumptum nefas?  
 incerta vecors mente vesana feror  
 partes in omnes; unde me ulcisci queam?  
 utinam esset illi frater! est coniunx: in hanc 125  
 ferrum exigatur. hoc meis satis est malis?  
 si quod Pelasgae, si quod urbes barbarae  
 novere facinus quod tuae ignorent manus,  
 nunc est parandum. scelera te hortentur tua  
 et cuncta redeant: inclitum regni decus 130  
 raptum et nefandae virginis parvus comes  
 divisus ense, funus ingestum patri  
 sparsunisque ponto corpus et Peliae senis  
 decocta aeno membra. funestum impie  
 quam saepe fudi sanguinem—et nullum scelus 135  
 irata feci: saevit infelix amor.

Quid tamen Iason potuit, alieni arbitri  
 iurisque factus? debuit ferro obvium  
 offerre pectus—melius, a melius, dolor 140  
 furiose, loquere. si potest, vivat meus,  
 ut fuit, Iason; si minus, vivat tamen  
 memorque nostri muneri parcat meo.  
 culpa est Creontis tota, qui sceptro impotens  
 coniugia solvit quique genetricem abstrahit  
 natis et arto pignore astrictam fidem 145  
 dirimit: petatur, solus hic poenas luat  
 quas debet. alto cinere cumulabo domum:  
 videbit atrum verticem flammis agi  
 Malea longas navibus flectens moras.

## NUTRIX

Sile, obsecro, questusque secreto abditos 150  
 manda dolori. gravia quisquis vulnera

121 scelere CPS: scelera E 122 credit CPS: credet E 123 vesana E:  
 non sana CPS 128 ignorent E: ignorant CPS 132 ingestum E:  
 incestum CPSen: infestum KQ: incertum r 135 fudi CPS: vidi E  
 136 s(a)evit codd.: suavit Peiper, alii aliter 139 offerre CPS: afferre E ha  
 CPS: ac E 142 muneri CPS: muneris E

## MEDEA

patiente et aequo mutus animo pertulit,  
referre potuit: ira quae tegitur nocet;  
professa perdunt odia vindictae locum.

## MEDEA

Levis est dolor qui capere consilium potest 155  
et clepere sese; magna non latitant mala.  
libet ire contra.

## NUTRIX

Siste furialem impetum,  
alumna: vix te tacita defendit quies.

## MEDEA

Fortuna fortes metuit, ignavos premit.

## NUTRIX

Tunc est probanda, si locum virtus habet. 160

## MEDEA

Numquam potest non esse virtuti locus.

## NUTRIX

Spes nulla rebus monstrat afflictis viam.

## MEDEA

Qui nil potest sperare, desperet nihil.

## NUTRIX

Abiere Colchi, coniugis nulla est fides 165  
nihilque superest opibus e tantis tibi.

## MEDEA

Medea superest: hic mare et terras vides  
ferrumque et ignes et deos et fulmina.

152 mutus E: motus CPSp  
156 om. CPSKQln, habent Eer

154 perdunt ECPSG: produunt BLs

## MEDEA

## NUTRIX

Rex est timendus.

## MEDEA

Rex meus fuerat pater.

## NUTRIX

Non metuis arma?

## MEDEA

Sint licet terra edita.

## NUTRIX

Moriere.

## MEDEA

Cupio.

## NUTRIX

Profuge.

## MEDEA

Paenituit fugae. 170

## NUTRIX

Medea—

## MEDEA

Fiam.

## NUTRIX

Mater es.

## MEDEA

Cui sim vides.

170 profuge E: fuge CPS

171 fiam E: fugiam CPS

MEDEA

NUTRIX

Profugere dubitas?

MEDEA

Fugiam, at ulciscar prius.

NUTRIX

Vindex sequetur.

MEDEA

Forsan inveniam moras.

NUTRIX

Compesce verba, parce iam, demens, minis  
animosque minue: tempori aptari decet. 175

MEDEA

Fortuna opes auferre, non animum potest.  
sed cuius ictu regius cardo strepit?  
ipse est Pelasgo tumidus imperio Creo.

CREO—MEDEA

CREO

Medea, Colchi noxium Aetac genus,  
nondum meis exportat e regnis pedem? 180

molitur aliquid: nota fraus, nota est manus.  
cui parcat illa quemve securum sinet?

abolere propere pessimam ferro luem  
equidem parabam: precibus evicit gener. 185

concessa vita est, liberet fines metu  
abeatque tuta. fert gradum contra ferox

minaxque nostros propius affatus petit.  
arcete, famuli, tactu et accessu procul,

MEDEA

29

iubete sileat. regium imperium pati  
aliquando discat. vade veloci via 190  
monstrumque saevum horribile iamdudum avehe.

MEDEA

Quod crimen aut quae culpa multatur fuga?

CREO

Quae causa pellat, innocens mulier rogat.

MEDEA

Si iudicas, cognosce; si regnas, iube.

CREO

Aequum atque iniquum regis imperium feras. 195

MEDEA

Iniqua numquam regna perpetuo manent.

CREO

I, querere Colchis.

MEDEA

Redeo: qui avexit, ferat.

CREO

Vox constituto sera decreto venit.

MEDEA

Qui statuit aliquid parte inaudita altera,  
aequum licet statuerit, haud aequus fuit. 200

CREO

Auditus a te Pelia supplicium tulit?  
sed fare, causae detur egregiae locus.

## MEDEA

## MEDEA

Difficile quam sit animum ab ira flectere  
iam concitatum quamque regale hoc putet  
sceptra superbas quisquis admovit manus, 205  
qua coepit ire, regia didici mea.  
quamvis enim sim clade miseranda obruta,  
expulsa supplex sola deserta, undique  
afflicta, quondam nobili fulsi patre  
avoque clarum Sole deduxi genus. 210  
quodcumque placidis flexibus Phasis rigat  
Pontusque quidquid Scythicus a tergo videt,  
palustribus qua maria dulcescunt aquis,  
armata peltis quidquid exterret cohors  
inclusa ripis vidua Thermodontiis, 215  
hoc omne noster genitor imperio regit.  
generosa, felix, decore regali potens  
fulsi; petebant tunc meos thalamos proci,  
qui nunc petuntur. rapida fortuna ac levis  
praecepsque regno eripuit, exilio dedit. 220  
confide regnis, cum levis magnas opes  
huc ferat et illuc casus—hoc reges habent  
magnificum et ingens, nulla quod rapiat dies:  
prodesse miseris, supplices fido lare  
protegere. solum hoc Colchico regno extuli, 225  
decus illud ingens Graeciae et florem inclitum,  
praesidia Achivae gentis et prolem deum  
servasse memet. munus est Orpheus meum,  
qui saxa cantu mulcet et silvas trahit,  
geminumque munus Castor et Pollux meum est 230  
satique Borea quique trans Pontum quoque  
summoti Lynceus lumine immisso videt,  
omnesque Minyae; nam ducum taceo ducem,  
pro quo nihil debetur: hunc nulli imputo;

204 putet *E*: caput *CSKQR* 213 dulcescunt *CSKQelur*: durescunt *EPR*  
214 exterret *ECPSR*: exercet *KQ* 218 proci *ERe*: viri *CPS* 219 rapida  
*CPS*: rabida *ER* 220 exilio *QR*: et exilio *ECPSKe* 226 Graeciae  
et *Studemund*: graeciae *R*: glorie *ECPS* 234 nulli imputo *CPSR*: nullum  
puto *E*: nullum imputo *e*

## MEDEA

31

vobis revexi ceteros, unum mihi. 235  
incesse nunc et cuncta flagitiaingere:  
fatebor; obici crimen hoc solum potest,  
Argo reversa. virgini placeat pudor  
paterque placeat: tota cum ducibus ruet 240  
Pelasga tellus, hic tuus primum gener  
tauri ferocis ore flagranti occidet.  
fortuna causam quae volet nostram premat,  
non paenitet servasse tot regum decus.  
quodcumque culpa praemium ex omni tuli,  
hoc est penes te. si placet, damna ream, 245  
sed redde crimen. sum nocens, fateor, Creο;  
talem sciebas esse, cum genua attigi  
fidemque supplex praesidis dextrae peti.  
terra hac miseriis angulum ac sedem rogo  
latebrasque viles: urbe si pelli placet, 250  
detur remotus aliquis in regnis locus.

## CREO

Non esse me qui scepra violentus geram  
nec qui superbo miseras calcem pede,  
testatus equidem videor haud clare parum  
generum exulem legendo et afflictum et gravi 255  
terrore pavidum, quippe quem poenae expetit  
letoque Acastus regna Thessalica optinens.  
senio trementem debili atque aevo gravem  
patrem peremptum queritur et caesi senis  
discissa membra, cum dolo captae tuo 260  
piae sorores impium auderent nefas.  
potest Iason, si tuam causam amoves,  
suam tueri: nullus innocuum cruor  
contaminavit, afuit ferro manus

241 flagranti *CPS*: fragranti *R*: flammanti *E* 242 qu(a)e *ECPSR*: qua  
*Avantius* 244 tuli *CPS*: tulit *E* 249 terra hac *s*: terram ac *CPSR*:  
terram *E*: terra in hac *KQe*: terrae *Gronovius* miseriis *EQ*: miseris *CSKeR*  
ac *E*: et *CPSR* 252 violentus *EKQR*: violenter *CPS* 253 miseras  
*ECPSeR*: miseras *KQ* 256 quippe quem *R*: quippe te *CPS*: quem (*om.*  
quippe) *E*

## MEDEA

proculque vestro purus a coetu stetit. 265  
 tu, tu malorum machinatrix facinorum,  
 cui feminae nequitia ad audenda omnia,  
 robur virile est, nulla famae memoria,  
 egredere, purga regna, letales simul  
 tecum aufer herbas, libera cives metu, 270  
 alia sedens tellure sollicita deos.

## MEDEA

Profugere cogis? redde fugienti ratem  
 vel redde comitem—fugere cur solam iubes?  
 non sola veni. bella si metuis pati,  
 utrumque regno pelle. cur sontes duos 275  
 distinguis? illi Pelia, non nobis iacet;  
 fugam, rapinas adice, desertum patrem  
 lacerumque fratrem, quidquid etiam nunc novas  
 docet maritus coniuges, non est meum:  
 totiens nocens sum facta, sed numquam mihi. 280

## CREO

Iam exisse decuit. quid seris fando moras?

## MEDEA

Supplex recedens illud extremum precor,  
 ne culpa natos matris insontes trahat.

## CREO

Vade: hos paterno ut genitor excipiam sinu.

## MEDEA

Per ego auspicatos regii thalami toros, 285  
 per spes futuras perque regnorum status,  
 Fortuna varia dubia quos agitat vice,

266 tu tu *ER*: sed tu *CPS*      267 feminae nequitia *R*: feminea nequitia  
*ECPSr*: nequitia cui feminea *KQln*      278 novas *CPS*: nota *E*      279 con-  
 iuges *CPS*: convocet *E*

## MEDEA

precor, brevem largire fugienti moram,  
 dum extrema natis mater infigo oscula,  
 fortasse moriens.

## CREO

Fraudibus tempus petis. 290

## MEDEA

Quae fraus timeri tempore exiguo potest?

## CREO

Nullum ad nocendum tempus angustum est malis.

## MEDEA

Parumne miserae temporis lacrimis negas?

## CREO

Etsi repugnat precibus infixus timor,  
 unus parando dabitur exilio dies. 295

## MEDEA

Nimis est, recidas aliquid ex isto licet:  
 et ipsa propero.

## CREO

Capite supplicium lues,  
 clarum priusquam Phoebus attollat diem  
 nisi cedis Isthmo. sacra me thalami vocant,  
 vocat precari festus Hymenaeo dies. 300

## CHORUS

Audax nimium qui freta primus  
 rate tam fragili perfida rupit  
 terrasque suas post terga videns  
 animam levibus credidit auris,

294 infixus *E*: infelix *CPS*      296 recidas aliquid ex isto *E*: et ex hoc absidas  
 aliquid *P*: et ex hoc aliquid absidas *CSKQlnr*      297a Creonti dant *KQelnr*  
 297 propero *EP*: propera *CSKQelnr*      298 clarum *E*: clarus *CPS*

dubioque secans aequora cursu 305  
 potuit tenui fidere ligno  
 inter vitae mortisque vias  
 nimium gracili limite ducto.  
 nondum quisquam sidera norat,  
 stellisque quibus pingitur aether 310  
 non erat usus, nondum pluvias  
 Hyadas poterat vitare ratis,  
 non Oleniae lumina caprae,  
 nec quae sequitur flectitque senex  
 Arctica tardus plaustra Boötes, 315  
 nondum Boreas, nondum Zephyrus  
 nomen habebant.

Ausus Tiphys pandere vasto  
 carbasa ponto legesque novas  
 scribere ventis: nunc lina sinu 320  
 tendere toto, nunc prolato  
 pede transversos captare notos,  
 nunc antemnas medio tutas  
 ponere malo, nunc in summo  
 religare loco, cum iam totos 325  
 avidus nimium navita flatus  
 optat et alto rubicunda tremunt  
 sipara velo.

Candida nostri saecula patres  
 videre, procul fraude remota. 330  
 sua quisque piger litora tangens  
 patrioque senex factus in arvo,  
 parvo dives, nisi quas tulerat  
 natale solum, non norat opes.  
 bene dissaepi foedera mundi 335  
 traxit in unum Thessala pinus  
 iussitque pati verbera pontum,  
 partemque metus fieri nostri

312 ratis *E*: rates *CPS*      313 lumina *E*: sidera *CPS*      314 nec *E*: non  
*CPS*    flectitque *ε*: defletque *ECPS*      315 arctica *P*: arctica *S*: arethica *C*:  
 artica *KQI*: attica *E*      328 sipara *E*: suppara *CPS*

mare sepositum. dedit illa graves  
 improba poenas per tam longos 340  
 ducta timores, cum duo montes,  
 claustra profundi, hinc atque illinc  
 subito impulsu velut aetherio  
 gemerent sonitu, spargeret astra  
 nubesque ipsas mare deprensum. 345  
 palluit audax Tiphys et omnes  
 labente manu misit habenas,  
 Orpheus tacuit torpente lyra  
 ipsaque vocem perdidit Argo.  
 quid cum Siculi virgo Pelori, 350  
 rabidos utero succincta canes,  
 omnes pariter solvit hiatus?  
 quis non totos horruit artus  
 totiens uno latrante malo?  
 quid cum Ausonium dirae pestes 355  
 voce canora mare mulcerent,  
 cum Pieria resonans cithara  
 Thracius Orpheus solitam cantu  
 retinere rates paene coegit  
 Sirena sequi? quod fuit huius 360  
 pretium cursus? aurea pellis  
 maiusque mari Medea malum,  
 merces prima digna carina.

Nunc iam cessit pontus et omnes  
 patitur leges: non Palladia 365  
 compacta manu regum referens  
 inclita remos quaeritur Argo—  
 quaelibet altum cumba pererrat;  
 terminus omnis motus et urbes  
 muros terra posuere nova; 370  
 nil qua fuerat sede reliquit  
 pervius orbis: Indus gelidum

344 astra *CPS*: astris *Ee*      345 deprensum *ε*: depressum *ECPS*      355 quid  
*E*: quis *CPSKQer*      359 rates *CPS*: ratein *E*      369 motus *CPS*: metus *E*:  
 notus *e*      370 nova *E*: novos *CPS*



## MEDEA

potat Araxen, Albin Persae  
 Rhenumque bibunt—venient annis  
 saecula seris, quibus Oceanus  
 vincula rerum laxet et ingens  
 pateat tellus Tethysque novos  
 detegat orbes nec sit terris  
 ultima Thule. 375

## NUTRIX—MEDEA

## NUTRIX

Alumna, celerem quo rapis tectis pedem? 380  
 resiste et iras comprime ac retine impetum.  
 Incerta qualis entheos gressus tulit  
 cum iam recepto maenas insanit deo  
 Pindi nivalis vertice aut Nysae iugis,  
 talis recursat huc et huc motu efferro, 385  
 furoris ore signa lymphati gerens.  
 flammata facies, spiritum ex alto citat,  
 proclamat, oculos uberi fletu rigat,  
 renidet, omnis specimen affectus capit:  
 haeret minatur aestuat queritur gemit. 390  
 quo pondus animi verget? ubi ponet minas?  
 ubi se iste fluctus franget? exundat furor.  
 non facile secum versat aut medium scelus;  
 se vincet: irae novimus veteris notas.  
 magnum aliquid instat, efferum immane impium: 395  
 vultum Furoris cerno. di fallant metum!

## MEDEA

Si quaeris odio, misera, quem statuas modum,  
 imitare amorem. regias egone ut faces  
 inulta patiar? segnis hic ibit dies,  
 tanto petitus ambitu, tanto datus? 400  
 dum terra caelum media libratum feret

382 entheos *PC* (*mg.*): pentheos *E*: ethneosi *CSKQ*: ethneos *lnr* gressus *Ee*:  
 cursus *CPS* 384 nivalis *E*: iugalis *CPS* 391 animi *E*: istud *CPS*  
 verget *CPS*: vergat *E* ponet *CPS*: ponat *E* 393 medium *ECPS*:  
 induit *K* 394 vincet *CPS*: iungit *E* veteris *E*: veteres *CPS*

## MEDEA

nitidusque certas mundus evolvat vices  
 numerusque harenis derit et solem dies,  
 noctem sequentur astra, dum siccas polus  
 versabit Arctos, flumina in pontum cadent, 405  
 numquam meus cessabit in poenas furor  
 crescetque semper—quae ferarum immanitas,  
 quae Scylla, quae Charybdis Ausonium mare  
 Siculumque sorbens quaeve anhelantem premens  
 Titana tantis Aetna fervebit minis? 410  
 non rapidus annis, non procellosum mare  
 Pontusve coro saevus aut vis ignium  
 adiuta flatu possit inhibere impetum  
 irasque nostras: sternam et evertam omnia.  
 Timuit Creontem ac bella Thessalici ducis? 415  
 amor timere neminem verus potest.  
 sed cesserit coactus et dederit manus:  
 adire certe et coniugem extremo alloqui  
 sermone potuit—hoc quoque extimuit ferox;  
 laxare certe tempus immitis fugae 420  
 genero licebat—liberis unus dies  
 datus est duobus. non queror tempus breve:  
 multum patebit. faciet, hic faciet dies  
 quod nullus umquam taceat—invadam deos  
 et cuncta quatiam.

## NUTRIX

Recipe turbatum malis, 425  
 era, pectus, animum mitiga.

## MEDEA

Sola est quies,  
 mecum ruina cuncta si video obruta:  
 mecum omnia abeant. trahere, cum pereas, libet.

404 sequentur *ECS*: secuntur *P*  
 408 ausonium *E*: ionium *CPS*  
 412 pontusve *E*: pontusq; *CPS*  
 et *C* coactus *E*: convictus *CPS*  
 442 est *Ee*: *om.* *CPS*

405 cadent *EPSe*: cadunt *CKQlnr*  
 409 quaeve *E*: qu(a)eq; *CPSQe*  
 417 cesserit *EQ<sup>2</sup>*: cessarit *PSKQ<sup>1</sup>*: cessarit  
 418 et coniugem *CPS*: coniugem et *E*

## NUTRIX

Quam multa sint timenda, si perstas, vide:  
nemo potentes aggredi tutus potest. 430

## IASON—MEDEA

## IASON

O dura fata semper et sortem asperam,  
cum saevit et cum parcit ex aequo malam!  
remedia quotiens invenit nobis deus  
periculis peiora: si vellem fidem  
praestare meritis coniugis, leto fuit 435  
caput offerendum; si mori nollem, fide  
misero carendum. non timor vicit fidem,  
sed trepida pietas: quippe sequeretur necem  
proles parentum. sancta si caelum incolis  
iustitia, numen invoco ac testor tuum: 440  
nati patrem vicere. quin ipsam quoque,  
etsi ferox est corde nec patiens iugi,  
consulere natis malle quam thalamis reor.  
constituit animus precibus iratam aggredi.  
atque ecce, viso memet exiluit, furit, 445  
fert odia prae se: totus in vultu est dolor.

## MEDEA

Fugimus, Iason: fugimus—hoc non est novum,  
mutare sedes; causa fugiendi nova est:  
pro te solebam fugere. discedo, exco,  
penatibus profugere quam cogis tuis. 450  
ad quos remittis? Phasin et Colchos petam  
patriumque regnum quaeque fraternus cruor  
perfudit arva? quas peti terras iubes?  
quae maria monstras? Pontici fauces freti

430 potentes *CPSL*: potentem *E* 432 malam *CPS*: mala *EKQI*  
433 quotiens *E*: tociens *CPS* 436 nollem *E*: nolim *CPS* 437 carendum  
*E*: carendum est *CPS* non *EPSKQe*: nunc *C* fidem *E*: virum *CPS*  
438 necem *CPS*: neci *E*

per quas revexi nobilem regum manum 455  
adulterum secuta per Symplegadas?  
parvamne Iolcon, Thessala an Tempe petam?  
quascumque aperui tibi vias, clausi mihi.  
quo me remittis? exuli exilium imperas  
nec das. eatur. regius iussit gener. 460  
nihil recuso. dira suppliciaingere:  
merui. cruentis paelicem poenis premat  
regalis ira, vinculis oneret manus  
clausamque saxo noctis aeternae obruat:  
minora meritis patiar—ingratum caput, 465  
revolvat animus igneos tauri halitus  
interque saevos gentis indomitae metus  
armifero in arvo flammeum Acetae pecus,  
hostisque subiti tela, cum iussu meo  
terrigena miles mutua caede occidit; 470  
adice expetita spolia Phrixiei arietis  
somnoque iussum lumina ignoto dare  
insomne monstrum, traditum fratrem neci  
et scelere in uno non semel factum scelus,  
iussasque natas fraude deceptas mea 475  
secare membra non revicturi senis.  
aliena quaerens regna, deserui mea:  
per spes tuorum liberum et certum larem,  
per victa monstra, per manus, pro te quibus  
numquam peperci, perque praeteritos metus, 480  
per caelum et undas, coniugi testes mei,  
miserere, redde supplici felix vicem.  
ex opibus illis, quas procul raptas Scythae  
usque a perustis Indiae populis agunt,  
quas quia referta vix domus gazas capit, 485  
ornamus auro nemora, nil exul tuli  
nisi fratris artus: hos quoque impendi tibi;

455 nobilem *E*: nobiles *CPS* manum *E*: manus *CPS* 459 exuli *CPS*:  
exul *E* 465 ingratum *E*: o ingratum *CPS* 472 som(p)noque *CPS*:  
summoque *E* 475 mea *EKQe*: meas *CPS* 477 querens *E*: sequens *CPS*  
484 agunt *E*: petunt *CPS* 485 quas quia *E*: quasque *CPS* gaza vel gazis  
*Bentley*

MEDEA

tibi patria cessit, tibi pater frater pudor—  
hac dote nupsi. redde fugienti sua.

IASON

Perimere cum te vellet infestus Creo, 490  
lacrimis meis evictus exilium dedit.

MEDEA

Poenam putabam: munus, ut video, est fuga.

IASON

Dum licet abire, profuge teque hinc eripe;  
gravis ira regum est semper.

MEDEA

Hoc suades mihi,  
praestas Creusae: paelicem invisam amoves. 495

IASON

Medea amores obicit?

MEDEA

Et caedem et dolos.

IASON

Obicere tandem quod potes crimen mihi?

MEDEA

Quodcumque feci.

IASON

Restat hoc unum insuper,  
tuis ut etiam sceleribus fiam nocens.

488 tibi pater frater *Avantius*: tibi pater tibi frater *E*: tibi frater pater *CSKQelur*  
492 munus *EKQe<sup>2</sup>*: minus *d*: mitis *P*: mitius *CS* 496 amores *CPS*: mores *E*  
497 et 498b *Medeae*, 498a *Iasoni dant CPS* 497 potes *CPS*: potest *E*

MEDEA

41

MEDEA

Tua illa, tua sunt illa: cui prodest scelus 500  
is fecit—omnes coniugem infamem arguant,  
solus tuere, solus insontem voca:  
tibi innocens sit quisquis est pro te nocens.

IASON

Ingrata vita est cuius acceptae pudet.

MEDEA

Retinenda non est cuius acceptae pudet. 505

IASON

Quin potius ira concitum pectus doma,  
placare natis.

MEDEA

Abdico eiuro abnuo—  
meis Creusa liberis fratres dabit?

IASON

Regina natis exulum, afflictis potens.

MEDEA

Ne veniat unquam tam malus miseris dies, 510  
qui prole foeda misceat prolem inclitam,  
Phoebi nepotes Sisyphi nepotibus.

IASON

Quid, misera, meque teque in exilium trahis?  
abscede, quaeso.

MEDEA

Supplicem audivit Creo.

506 doma *EKQel*: domas *CPSu*

510 ne *EP*: non *C*(*corr. C<sup>2</sup>mg.*)*SQelur*

MEDEA

IASON

Quid facere possim, loquere.

MEDEA

Pro me vel scelus. 515

IASON

Hinc rex et illinc.

MEDEA

Est et his maior metus:

Medea. nos †confligere. certemus sine,  
sit pretium Iason.

IASON

Cedo defessus malis:

et ipsa casus saepe iam expertos time.

MEDEA

Fortuna semper omnis infra me stetit. 520

IASON

Acastus instat.

MEDEA

Propior est hostis Creο:

utrumque profuge. non ut in socerum manus  
armes nec ut te caede cognata inquinas  
Medea cogit: innocens mecum fuge.

IASON

Et quis resistet, gemina si bella ingruant, 525  
Creο atque Acastus arma si iungant sua?

515 possim *ESKQe*: possum *CP* 516 his *E*: hiis *e*<sup>2</sup>: hic *CPSKQln*  
 517 confligere *ECPS*: confugere *K*: conflige *Avantius*: cum rege *Bücheler*:  
 conferre (certamen) *Gronovius* certemus *codd.*: certamen *D. Heinsius*  
 520 infra *E*: intra *CPS* 522 non *E*: nolo *CPS* 525 quis *EQ<sup>2</sup>el*: quid  
*CPSKQ<sup>1</sup>ur* ingruant *CPS*: ingravant *E*

MEDEA

43

MEDEA

His adice Colchos, adice et Aeeten ducem,  
Scythas Pelasgis iunge: demersos dabo.

IASON

Alta extimesco scepra.

MEDEA

Ne cupias vide.

IASON

Suspecta ne sint, longa colloquia amputa. 530

MEDEA

Nunc summe toto Iuppiter caelo tona,  
intende dextram, vindices flammās para  
omnemque ruptis nubibus mundum quate.  
nec deligenti tela librentur manu  
vel me vel istum: quisquis e nobis cadet 535  
nocens peribit, non potest in nos tuum  
errare fulmen.

IASON

Sana meditari incipe,  
et placida fare. si quod ex soceri domo  
potest fugam levare solamen, pete.

MEDEA

Contemnere animus regias, ut scis, opes 540  
potest soletque; liberos tantum fugae  
habere comites liceat in quorum sinu  
lacrimas profundam. te novi nati manent.

534 diligenti *codd. corr. Bothe ex ed. Ascensiana* manu *CPS*: manum *E*  
 535 vel me *E*: in me *CPS* 538 quod *Er*: quid *CPSelr*: quis *KQ<sup>1</sup>* (*corr. Q<sup>2</sup>*)

## MEDEA

## IASON

Parere precibus cupere me fateor tuis;  
 pietas vetat: namque istud ut possim pati, 545  
 non ipse memet cogat et rex et socer.  
 haec causa vitae est, hoc perusti pectoris  
 curis levamen. spiritu citius queam  
 carere, membris, luce.

## MEDEA

Sic natos amat?

bene est, tenetur, vulneri patuit locus.— 550  
 suprema certe liceat abeuntem loqui  
 mandata, liceat ultimum amplexum dare:  
 gratum est et illud. voce iam extrema peto,  
 ne, si qua noster dubius effudit dolor,  
 maneat in animo verba; melioris tibi 555  
 memoria nostri sedeat; haec irae data  
 obliterentur.

## IASON

Omnia ex animo expuli  
 precorque et ipse, fervidam ut mentem regas  
 placideque tractes: miserias lenit quies.

## MEDEA

Discessit. itane est? vadis oblitus mei 560  
 et tot meorum facinorum? excidimus tibi?  
 numquam excidemus. hoc age, omnes advoca  
 vires et artes. fructus est scelerum tibi  
 nullum scelus putare. vix fraudi est locus:  
 timemur. hac aggredere, qua nemo potest 565  
 quicquam timere. perge nunc, aude, incipe  
 quidquid potest Medea, quidquid non potest.

545 ut possim *E*: non possim *CPS*: non possum *KQe* 549 signatos *E*: si  
 hic natos *CPSKQ<sup>2</sup>In*: sic hic natos *er*: sic gnatos *Peiper* 555 melioris *E*:  
 melior *CPS*: sed melior *ε* 556 sedeat *E*: subeat *CPS* 562 excidemus  
*CPS*: excides *E* 567 potest . . . potest *Ee*: potes . . . potes *CPS* medea  
*CPS*: om. *E*

## MEDEA

Tu, fida nutrix, socia maeroris mei  
 variique casus, misera consilia adiuva.  
 est palla nobis, munus aetherium, domus 570  
 decusque regni, pignus Aeetae datum  
 a Sole generis, est et auro textili  
 monile fulgens quodque gemmarum nitor  
 distinguit aurum, quo solent cingi comae.  
 haec nostra nati dona nubenti ferant, 575  
 sed ante diris inlita ac tincta artibus.  
 vocetur Hecate. sacra letifica appara,  
 statuuntur arae, flamma iam tectis sonet.

## CHORUS

Nulla vis flammae tumidive venti  
 tanta, nec teli metuenda torti, 580  
 quanta cum coniunx viduata taedis  
 ardet et odit;  
 non ubi hibernos nebulosus imbres  
 Auster advexit properatque torrens  
 Hister et iunctos vetat esse pontes 585  
 ac vagus errat;  
 non ubi impellit Rhodanus profundum,  
 aut ubi in rivos nivibus solutis  
 sole iam forti medioque vere  
 tabuit Haemus. 590  
 caecus est ignis stimulatus ira  
 nec regi curat patiturve frenos  
 aut timet mortem: cupit ire in ipsos  
 obvius enses.  
 parcite, o divi, veniam precamur, 595  
 vivat ut tutus mare qui subegit.  
 sed furit vinci dominus profundi  
 regna secunda.  
 ausus aeternos agitare currus

570 aetherium *E*: etereum *e*: etheree *CPS* 577 loetifica *E*: luctifica  
*CPSKQ*: luctifera *e* 578 statuuntur *E*: struantur *CPS*: sternantur *O*  
 579 tumidive venti *E*: tumidiq; venti *CPSKeL* 585 iunctos *ES*: vinctos  
*CPe* 587 impellit *CSKQe*: pellit *EP*

immemor metae iuvenis paternae 600  
 quos polo sparsit furiosus ignes  
 ipse recepit.  
 constitit nulli via nota magno:  
 vade qua tutum populo priori,  
 rumpe nec sacro violente sancta 605  
 foedera mundi.  
 Quisquis audacis tetigit carinae  
 nobiles remos nemorisque sacri  
 Pelion densa spoliavit umbra,  
 quisquis intravit scopulos vagantes 610  
 et tot emensus pelagi labores  
 barbara funem religavit ora  
 raptor externi rediturus auri,  
 exitu diro temerata ponti  
 iura piavit. 615  
 exigit poenas mare provocatum:  
 Tiphys in primis, domitor profundi,  
 liquit indocto regimen magistro;  
 litore externo, procul a paternis  
 occidens regnis tumuloque vili 620  
 tectus ignotas iacet inter umbras.  
 Aulis amissi memor inde regis  
 portibus lentis retinet carinas  
 stare querentes.  
 ille vocali genitus Camena, 625  
 cuius ad chordas modulante plectro  
 restitit torrens, siluere venti,  
 cum suo cantu volucris relicto  
 adfuit tota comitante silva,  
 Thracios sparsus iacuit per agros, 630  
 at caput tristi fluitavit Hebro:

605 sacro *E*: sancti *CPS*: sancta *E*: mundi *CPS* 606 mundi *E*: sacra *CPS*  
 608 remos *E*: ramos *CPS* 612 funem *EQe*: finem *CPS* religavit *EPe*:  
 relegavit *CSKQJ<sup>2</sup>* 614 diro *ECPKQe*: duro *S* 628 cum *CPS*; tum *E*  
 volucris *CPS*: volucres *E* 631 at *Gronovius*: ad *ECPS* tristi fluitavit  
 Hebro *Gronovius*: tristis fluitavit hebr*e*: tristis fluitavit hebr*e*: tractus fluvialis  
 ebri *CPS*

contigit notam Styga Tartarumque,  
 non rediturus.  
 stravit Alcides Aquilone natos,  
 patre Neptuno genitum necavit 635  
 sumere innumeras solitum figuras;  
 ipse post terrae pelagique pacem,  
 post feri Ditis patefacta regna,  
 vivus ardenti recubans in Oeta  
 praebuit saevis sua membra flammis, 640  
 tabe consumptus gemini cruoris  
 munere nuptae.  
 stravit Ancaeam violentus ictu  
 saetiger; fratrem, Meleagre, matris  
 impius mactas morerisque dextra 645  
 matris iratae. meruere cuncti  
 morte quod crimen tener expiavit  
 Herculi magno puer inreptus,  
 raptus, heu, tutas puer inter undas.  
 ite nunc, fortes, perarate pontum 650  
 fonte timendo.  
 Idmonem, quamvis bene fata nosset,  
 condidit serpens Libycis harenis;  
 omnibus verax, sibi falsus uni  
 concidit Mopsus caruitque Thebis. 655  
 ille si vere cecinit futura,  
 exul errabit Thetidis maritus;  
 igne fallaci nociturus Argis  
 Nauplius praeceps cadet in profundum  
 † patrioque pendet crimine poenas † 660  
 fulmine et ponto moriens Oileus;  
 coniugis fatum redimens Pheraei,

641 cruoris *CPS*: prioris *E* 644 fratrem *ECSKQe*: fremit *P*: fratres *5*  
 647 morte *ECPSK*: mortem *Qer* quod *ECPKQe*: qui *S* 649 heu *E*:  
 est *CPS* 651 fonte timendo *Gronovius*: ponte timendo *E*: sorte timenda  
*CPS* 657 errabit *Gruter*: erravit *ex* errabit *Q*: erravit *ECPSKe* 658 igne  
*CPS*: ille *E* 659 cadet *Gruter*: cadet *ex* cadit *Q*: cadit *ECSKe*: eadē *P*  
 660 pendet *EPS*: pendit *CKQelnr* crimine *ECPSQe*: criminum *K* *varie*  
*suppleverunt viri docti* 661 fulmine *ECPS*: flumine *e*

uxor, impendes animam marito.  
 ipse qui praedam spoliūque iussit  
 aureum prima revehi carina, 665  
 ustus accenso Pelias aeno  
 arsit angustas vagus inter undas.  
 iam satis, divi, mare vindicastis:  
 parcite iusso.

## NUTRIX—MEDEA

## NUTRIX

Pavet animus, horret: magna perniciēs adest. 670  
 immane quantum augetur et semet dolor  
 accendit ipse vimque praeteritam integrat.  
 vidi furem saepe et aggressam deos,  
 caelum trahentem: maius his, maius parat  
 Medea monstrum. namque ut attonito gradu 675  
 evasit et penetrare funestum attigit,  
 totas opes effudit et quidquid diu  
 etiam ipsa timuit promittit atque omnem explicat  
 turbam malorum, arcana secreta abdita,  
 et triste laeva †comprecans sacrum manu 680  
 pestes vocat quascumque ferventis creat  
 harena Libyae quasque perpetua nive  
 Taurus coercet frigore Arctoo rigens,  
 et omne monstrum. tracta magicis cantibus  
 squamifera latebris turba desertis adest. 685  
 hic saeva serpens corpus immensum trahit  
 trifidamque linguam exertat et quaerit quibus  
 mortifera veniat; carmine audito stupet  
 tumidumque nodis corpus aggestis plicat  
 cogitque in orbem. 'parva sunt' inquit 'mala 690

663 impendes *Gronovius*: impendens *E*: impendit *CPS* 678 promittit *Ee*:  
 premit *CPSKQn* 680 comprecans *E*: complicans *CPSQ<sup>2</sup>e*: complicans  
*KQ<sup>1</sup>*: complicat *I* sacrum *ECSKQelur*: sacra *P* 681 ferventis *urr*: ferventi  
*ECPSKQel* 683 arctoo rigens *CSKQe*: arcto rigens *P*: arcto oriens *E*  
 685 squamifera *E*: squamea *CPSe<sup>2</sup>* 686 s(a)eva *Ee*: sera *CPS* 687 querit  
*E*: querens *CPS*

et vile telum est, ina quod tellus creat:  
 caelo petam venena. iam iam tempus est  
 aliquid movere fraude vulgari altius.  
 huc ille vasti more torrentis iacens  
 descendat anguis, cuius immensos duae, 695  
 maior minorque, sentiunt nodos ferae  
 (maior Pelasgis apta, Sidoniis minor)  
 pressasque tandem solvat Ophiuchus manus  
 virusque fundat; adsit ad cantus meos  
 lacessere ausus gemina Python numina, 700  
 et Hydra et omnis redeat Herculea manu  
 succisa serpens, caede se reparans sua.  
 tu quoque relictis pervigil Colchis ades,  
 sopite primum cantibus, serpens, meis.'  
 Postquam evocavit omne serpentum genus, 705  
 congerit in unum frugis infaustae mala:  
 quaecumque generat in viis saxibus Eryx,  
 quae fert opertis hieme perpetua iugis  
 sparsus cruore Caucasus Promethei,  
 pharetraque pugnax Medus aut Parthi leves, 710  
 et quis sagittas divites Arabes linunt,  
 aut quos sub axe frigido sucos legunt  
 lucis Suebae nobiles Hyrcaniis;  
 quodcumque tellus vere nidifico creat  
 aut rigida cum iam bruma discussit decus 715  
 nemorum et nivali cuncta constrinxit gelu,  
 quodcumque graminum flore mortifero viret,  
 dirusve tortis sucus in radicibus  
 causas nocendi gignit, attrectat manu.  
 Haemonius illas contulit pestes Athos, 720  
 has Pindus ingens, illa Pangaei iugis

691 ina *ESKQe*: una *C* 692 iam iam *Gronovius*: iam *E*: iam nunc *CPS*  
 693 movere *E*: moveri *CPSKQer* 701 manu *CPS*: manus *ER* 706 con-  
 gerit *ERKQe*: contigit *CPSr*: contingit *I* 709 sparsus *CPS*: sparsas *E*  
 710 parthi leves *E*: parthus levis *CPS* 711 quis *Avantius*: qui *ECPS*  
 712 quos *CPS*: quo *E* 713 suebae *E*: suevi *CPS* hyrcaniis *E*: (h)ircaneis  
*CPS*: hercyniis *Avantius* 714 quodcumque *CPS*: quocumque *E*  
 718 dirusve *CPS*: durusque *O*: virusque *E* 721 illa *CPS*: illas *EKQ<sup>1</sup>e*

teneram cruenta falce deposuit comam;  
 has aluit altum gurgitem Tigris premens,  
 Danuvius illas, has per arentes plagas  
 tepidis Hydaspes gemmifer currens aquis, 725  
 nomenque terris qui dedit Baetis suis  
 Hesperia pulsans maria languenti vado.  
 haec passa ferrum est, dum parat Phoebus diem,  
 illius alta nocte succisus frutex,  
 at huius ungue secta cantato seges. 730  
 Mortifera carpit gramina ac serpentium  
 saniem exprimit miscetque et obscenas aves:  
 maestique cor bubonis et raucae strigis  
 exsecta vivae viscera. haec scelerum artifex  
 discreta ponit; his rapax vis ignium, 735  
 his gelida pigri frigoris glacies inest.  
 addit venenis verba non illis minus  
 metuenda. sonuit ecce vesano gradu  
 canitque. mundus vocibus primis tremit.

## MEDEA

Comprecor vulgus silentum vosque ferales deos 740  
 et Chaos caecum atque opacam Ditis umbrosi domum,  
 Tartari †ripis ligatos squalidae Mortis specus.  
 supplicis, animae, remissis currite ad thalamos novos:  
 rota resistat membra torquens, tangat Ixion humum,  
 Tantalus securus undas hauriat Pirenidas. 745  
 gravior uni poena sedeat coniugis socero mei:  
 lubricus per saxa retro Sisyphum volvat lapis.  
 vos quoque, urnis quas foratis inritus ludit labor,  
 Danaides, coite: vestras hic dies quaerit manus.—  
 nunc meis vocata sacris, noctium sidus, veni 750  
 pessimos induta vultus, fronte non una minax.

730 at *ECPKQ*: ad *RS*: ac *e* 740 *comprecor E*: vos *precor CPSKQ*  
 741 atque *ECPS*: adque *R* 742 *sic codil.*: specu *Haase*: ligatae squalido . . .  
 specu (743) supplicis, animae *Peiper*, alii aliter 743 supplicis *codd.*  
 746 gravior uni *E*: graviorum *CPSP<sup>rd</sup>*: gravior *KQ<sup>u</sup>lu* 748 vos quoque  
*EP*: vosque *CSKQ<sup>ehr</sup>*

Tibi more gentis vinculo solvens comam  
 secreta nudo nemora lustravi pede  
 et evocavi nubibus siccis aquas  
 egique ad imum maria, et Oceanus graves 755  
 interius undas aestibus victis dedit;  
 pariterque mundus lege confusa aetheris  
 et solem et astra vidit et vetitum mare  
 tetigistis, ursae. temporum flexi vices:  
 aestiva tellus floruit cantu meo, 760  
 coacta messem vidit hibernam Ceres;  
 violenta Phasis vertit in fontem vada  
 et Hister, in tot ora divisus, truces  
 compressit undas omnibus ripis piger.  
 sonuere fluctus, tumuit insanum mare 765  
 tacente vento, nemoris antiqui domus  
 amisit umbras, vocis imperio meae.  
 die relicto Phoebus in medio stetit,  
 Hyadesque nostris cantibus motae labant.  
 adesse sacris tempus est, Phoebe, tuis. 770

Tibi haec cruenta sarta texuntur manu,  
 novena quae serpens ligat,  
 tibi haec Typhoeus membra quae discors tulit,  
 qui regna concussit Iovis.  
 vectoris istic perfidi sanguis inest, 775  
 quem Nessus expirans dedit.  
 Oetaeus isto cinere defecit rogos,  
 qui virus Herculeum bibit.  
 piaae sororis, impiae matris, facem  
 ultricis Althaeae vides. 780  
 reliquit istas invio plumas specu  
 Harpyia, dum Zeten fugit.  
 his adice pinnae sauciae Stymphalidos  
 Lernaea passae spicula.  
 sonuistis, arae, tripodas agnosco meos 785  
 favente commotos dea.

753 nemora *ECS*: littora *P* 766 domus *CPS*: decus domus *E* 767 umbras  
*E*: umbraum *CPS* 775 vectoris *Er*: victoris *CPS* 785 are *CPSKe*: á. é. *E*



Video Triviae currus agiles,  
 non quos pleno lucida vultu  
 pernox agitat, sed quos facie  
 lurida maesta, cum Thessalicis 790  
 vexata minis caelum freno  
 propiore legit. sic face tristem  
 pallida lucem funde per auras,  
 horrore novo terre populos  
 inque auxilium, Dictynna, tuum 795  
 pretiosa sonent aera Corinthi.  
 tibi sanguineo caespite sacrum  
 sollemne damus, tibi de medio  
 rapta sepulcro fax nocturnos  
 sustulit ignes, tibi mota caput 800  
 flexa voces cervice dedi,  
 tibi funereo de more iacens  
 passos cingit vitta capillos,  
 tibi iactatur tristis Stygia  
 ramus ab unda, tibi nudato 805  
 pectore maenas sacro feriam  
 brachia cultro. manet noster  
 sanguis ad aras: assuesce, manus,  
 stringere ferrum carosque pati  
 posse cruores—sacrum laticem 810  
 percussa dedi.  
 quodsi nimium saepe vocari  
 quereris votis, ignosce, precor:  
 causa vocandi, Persei, tuos  
 saepius arcus una atque eadem est 815  
 semper, Iason.  
 tu nunc vestes tinge Creusae,  
 quas cum primum sumpserit, imas  
 urat serpens flamma medullas.  
 ignis fulvo clusus in auro 820  
 latet obscurus, quem mihi caeli

790 mesta CPS: metat E      803 cingit E: vincit CPS      819 serpens E:  
 repens CPS      821 obscurus CPS: obscura E

qui furta luit viscere fetu  
 dedit et docuit condere vires  
 arte, Prometheus. dedit et tenui  
 sulphure tectos Mulciber ignes, 825  
 et vivacis fulgura flammae  
 de cognato Phaëthonte tuli.  
 habeo mediae dona Chimaerae,  
 habeo flammam usto tauri  
 gutture raptas, quas permixto 830  
 felle Medusae tacitum iussi  
 servare malum. adde venenis  
 stimulos, Hecate, donisque meis  
 semina flammae condita serva.  
 fallant visus tactusque ferant, 835  
 meet in pectus venasque calor,  
 stillent artus ossaque fument  
 vincatque suas flagrante coma  
 nova nupta faces.  
 Vota tenentur: ter latratus 840  
 audax Hecate dedit et sacros  
 edidit ignes face lucifera.

Peracta vis est omnis: huc natos voca,  
 pretiosa per quos dona nubenti feras.  
 ite, ite, nati, matris infaustae genus, 845  
 placate vobis munere et multa prece  
 dominam ac novercam. vadite et celeres domum  
 referte gressus, ultimo amplexu ut fruatur.

## CHORUS

Quonam cruenta maenas  
 praeceps amore saevo 850  
 rapitur? quod impotenti

824 arte E: artem CPS      tenui E: tenuit CPQe: timuit S      836 meet ECS:  
 manet P      837 stillent CPS: stillet E      841 sacros Ee: sacro CPS  
 842 lucifera ECPS: luctifera s recte?      847 ac E: et CPS

facinus parat furore?  
 vultus citatus ira  
 riget et caput feroci  
 quatiens superba motu 855  
 regi minatur ultro.  
 quis credat exulem?  
 flagrant genae rubentes,  
 pallor fugat ruborem.  
 nullum vagante forma 860  
 servat diu colorem.  
 huc fert pedes et illuc,  
 ut tigris orba natis  
 cursu furente lustrat  
 Gangeticum nemus. 865  
 frenare nescit iras  
 Medea, non amores;  
 nunc ira amorque causam  
 iunxere: quid sequetur?  
 quando efferet Pelasgis 870  
 nefanda Colchis arvis  
 gressum metuque solvet  
 regnum simulque reges?  
 nunc, Phoebe, mitte currus  
 nullo morante loro, 875  
 nox condat alma lucem,  
 mergat diem timendum  
 dux noctis Hesperus.

NUNTIUS—CHORUS—NUTRIX—MEDEA—IASON

NUNTIUS

Periere cuncta, concidit regni status.  
 nata atque genitor cinere permixto iacent. 880

CHORUS

Qua fraude capti?

MEDEA

NUNTIUS

Qua solent reges capi:  
 donis.

CHORUS

In illis esse quis potuit dolus?

NUNTIUS

Et ipse miror vixque iam facto malo  
 potuisse fieri credo.

CHORUS

Quis cladis modus?

NUNTIUS

Avidus per omnem regiae partem furit 885  
 ut iussus ignis: iam domus tota occidit,  
 urbi timetur.

CHORUS

Unda flammam opprimat.

NUNTIUS

Et hoc in ista clade mirandum accidit:  
 alit unda flammam, quoque prohibetur magis,  
 magis ardet ignis; ipsa praesidia occupat. 890

NUTRIX

Effer citatum sede Pelopea gradum,  
 Medea, praeceptis quaslibet terras pete.

MEDEA

Egone ut recedam? si profugissem prius,  
 ad hoc redirem, nuptias specto novas.  
 quid, anime, cessas? sequere felicem impetum. 895

882 sic CPS, totum versum choro dat E

891-2 nutrici dant CPS, nuntio E

pars ultionis ista, qua gaudes, quota est?  
 amas adhuc, furiose, si satis est tibi  
 caelebs Iason. quaere poenarum genus  
 haut usitatum iamque sic temet para:  
 fas omne cedat, abeat expulsus pudor; 900  
 vindicta levis est quam ferunt purae manus.  
 incumbe in iras teque languentem excita  
 penitusque veteres pectore ex imo impetus  
 violentus hauri. quidquid admissum est adhuc,  
 pietas vocetur. hoc age et faxo sciant 905  
 quam levia fuerint quamque vulgaris notae  
 quae commodavi scelera. prolusit dolor  
 per ista noster: quid manus poterant rudes  
 audere magnum? quid puellaris furor?  
 Medea nunc sum; crevit ingenium malis. 910  
 Iuvat, iuvat rapuisse fraternum caput;  
 artus iuvat secuisse et arcano patrem  
 spoliasse sacro, iuvat in exitium senis  
 armasse natas. quaere materiam, dolor:  
 ad omne facinus non rudem dextram afferes. 915  
 Quo te igitur, ira, mittis, aut quae perfido  
 intendis hosti tela? nescio quid ferox  
 decrevit animus intus et nondum sibi  
 audet fateri. stulta properavi nimis:  
 ex paelice utinam liberos hostis meus 920  
 aliquos haberet—quidquid ex illo tuum est,  
 Creusa peperit. placuit hoc poenae genus,  
 meritoque placuit: ultimum, agnosco, scelus  
 animo parandum est—liberi quondam mei,  
 vos pro paternis sceleribus poenas date. 925  
 Cor pepulit horror, membra torpescunt gelu  
 pectusque tremuit. ira discessit loco  
 materque tota coniuge expulsa redit.

897 furiose *Bentley*: furiosa *codd.* 901 pure *E*: parve *CPSL* 904 violentus  
*E*: violentius *CPS* 913 spoliasse *EKQe*: spoliare *CPSr* 923 ultimum  
*EKQelnr*: ultimo *CPS* agnosco *E*: magno *CPSKQ* 924 parandum *CPS*:  
 parandum *E* 927 discessit *EPSQe*: discedit *C*

egone ut meorum liberum ac prolis meae  
 fundam cruorem? melius, a, demens furor! 930  
 incognitum istud facinus ac dirum nefas  
 a me quoque absit; quod scelus miseri luent?  
 scelus est Iason genitor et maius scelus  
 Medea mater—occidant, non sunt mei;  
 pereant, mei sunt. crimine et culpa carent, 935  
 sunt innocentes: fateor, et frater fuit.  
 quid, anime, titubas? ora quid lacrimae rigant  
 variamque nunc huc ira, nunc illuc amor  
 diducit? anceps aestus incertam rapit,  
 ut saeva rapidi bella cum venti gerunt 940  
 utrimque fluctus maria discordes agunt  
 dubiumque fervet pelagus, haut aliter meum  
 cor fluctuatur. ira pietatem fugat  
 iramque pietas—cede pietati, dolor.  
 Huc, cara proles, unicum afflictae domus 945  
 solamen, huc vos ferte et infusos mihi  
 coniungite artus. habeat incolumes pater,  
 dum et mater habeat—urguet exilium ac fuga.  
 iam iam meo rapiuntur avulsi e sinu,  
 flentes, gementes: osculis pereant patris, 950  
 periere matri. rursus increscit dolor  
 et fervet odium, repetit invitam manum  
 antiqua Erinys—ira, qua ducis, sequor.  
 utinam superbae turba Tantalidos meo  
 exisset utero bisque septenos parens 955  
 natos tulissem! sterilis in poenas fui—  
 fratri patrique quod sat est, peperit duos.  
 Quonam ista tendit turba Furiarum impotens?  
 quem quaerit aut quo flammeos ictus parat,  
 aut cui cruentas agmen infernum faces 960

939 diducit *CPSKQ<sup>1</sup>eln*: deducit *EQ<sup>2</sup>r* 940 rapidi *E*: rabidi *CPSKQe*  
 942 meum *Ee*: metu *CPS*: mecu *Q* 950 osculis *E*: oculis *CPSQ*: oculis  
*K*: o scelus *Gronovius* patris *CPS*: patri *E* 952 invitam *Gronovius*:  
 invisam *codd.* 953 erinis *E*: mentis *CPS* 958 furiarum *E*: funerum  
*CPSKQ* (*corr.* *Q<sup>2</sup>mg.*)

intentat? ingens anguis excusso sonat  
tortus flagello. quem trabe infesta petit  
Megaera? cuius umbra dispersis venit  
incerta membris? frater est, poenas petit—  
dabimus, sed omnes. fige luminibus faces, 965  
lania, perure, pectus en Furiis patet.

Discedere a me, frater, ultrices deas  
manesque ad imos ire securas iube:  
mihi me relinque et utere hac, frater, manu  
quae strinxit ensem—victima manes tuos 970  
placamus ista. quid repens affert sonus?  
parantur arma meque in exitium petunt.  
excelsa nostrae tecta conscendam domus  
caede incohata. perge tu mecum comes.  
tuum quoque ipsa corpus hinc mecum aveham. 975  
nunc hoc age, anime: non in occulto tibi est  
perdenda virtus; approba populo manum.

## IASON

Quicumque regum cladibus fidus doles,  
concurre, ut ipsam sceleris auctorem horridi  
capiamus. huc, huc, fortis armiferi cohors, 980  
conferte tela, vertite ex imo domum.

## MEDEA

Iam iam recepi scepra germanum patrem,  
spoliumque Colchi pecudis auratae tenent;  
rediere regna, rapta virginitas redit.  
o placida tandem numina, o festum diem, 985  
o nuptialem! vade, perfectum est scelus,  
vindicta nondum: perage, dum faciunt manus.  
quid nunc moraris, anime? quid dubitas potens?

961 intentat *CPS*: intendat *E*      iugens anguis *CPS*: igne sanguis *E*  
965 omnes. *sic interpunxit Bothe*      975 ipsa *Ee*<sup>1</sup>: ipse *CPS*      aveham *E*:  
avehe *CPS*      977 approba *Ee*: approbo *CPSKQ*      978 regum *E*: regum  
es *CPSQe*      doles *ex -et E*: dolens *CPS*      980 armiferi *EP*: armigeri  
*CSKQeln*      985 numina *CPS*: nomina *E*      987 *om. CPSKln, habent*  
*EeQ(in mg.)*      988 potens *E*: potes *CPSKe*

iam cecidit ira. paenitet facti, pudet.  
quid, misera, feci? misera? paeniteat licet, 990  
feci. voluptas magna me invitam subit,  
et ecce crescit. derat hoc unum mihi,  
spectator iste. nil adhuc facti reor:  
quidquid sine isto fecimus sceleris perit.

## IASON

En ipsa tecti parte praecipiti imminet. 995  
huc rapiat ignes aliquis, ut flammis cadat  
suis perusta.

## MEDEA

Congere extremum tuis  
natis, Iason, funus, ac tumulum strue:  
coniunx socerque iusta iam functis habent,  
a me sepulti; natus hic fatum tulit, 1000  
hic te vidente dabitur exitio pari.

## IASON

Per numen omne perque communes fugas  
torosque, quos non nostra violavit fides,  
iam parce nato. si quod est crimen, meum est:  
me dedo morti; noxium macta caput. 1005

## MEDEA

Hac qua recusas, qua doles, ferrum exigam.  
i nunc, superbe, virginum thalamos pete,  
relinque matres.

## IASON

Unus est poenae satis.

991 invitam *P*: et invitam *E*: invisam *CSKQln*      993 iste *E*: ipse *CPS*  
996 cadat *Ee*: cedat *CPSKQl*      1005 dedo *E*: dede *CPS*      1006 doles  
*EKQel*: dolet *CPS(corr. S<sup>2</sup>mg.)n*

## MEDEA

## MEDEA

Si posset una caede satiari manus,  
nullam petisset. ut duos perimam, tamen 1010  
nimum est dolori numerus angustus meo.  
in matre si quod pignus etiam nunc latet,  
scrutabor ense viscera et ferro extraham.

## IASON

Iam perage coeptum facinus, haut ultra precor,  
moramque saltem supplicis dona meis. 1015

## MEDEA

Perfruere lento scelere, ne propera, dolor:  
meus dies est; tempore accepto utimur.

## IASON

Infesta, memet perime.

## MEDEA

Misereri iubes.  
bene est, peractum est. plura non habui, dolor,  
quae tibi litarem. lumina huc tumida alleva, 1020  
ingrate Iason. coniugem agnoscis tuam?  
sic fugere soleo. patuit in caelum via:  
squamosa gemini colla serpentes iugo  
summissa praebent. recipe iam natos, parcens;  
ego inter auras aliti curru vehar. 1025

## IASON

Per alta vade spatia sublimi aetheris,  
testare nullos esse, qua veheris, deos.

1009-27 *desunt* CPSK, *extant* Ees      1009 satiari manus Qes: satariamanus E:  
satiari haec manus Gronovius      1014 perage s: perge Ee      haut s: haud Q<sup>2</sup>e:  
aut E      1015 supplitiis E      1025 vehar EQ<sup>2</sup>: vehor e      1026 sublimi  
Ee: sublimis Q<sup>2</sup>      etheris es: aetheri E: aethere Farnaby

## COMMENTARY

Six of the opening passages in the nine Senecan plays ('prologue' would be a misleading term in some) are spoken by characters in the plays, two by ghosts, and one by a goddess. The metre of all except *Phaedra* (anapaests) is iambic. The *Octavia* starts with a speech by Octavia in anapaests.

The play opens with a spirited and bitter monologue by Medea (1-55). She has been deserted by Jason, and she now invokes gods and infernal powers to bring destruction on his new wife and her family, and homeless exile to Jason himself. From line 26 her thoughts turn to personal vengeance and deeds of witchcraft more terrible than any she has yet performed: the close of her life with Jason is to be marked by crimes as dreadful as those at its start. Throughout the speech there is an emphasis on her state as a wronged *wife*: 'di coniugales, genialis tori' 1, 'thalamis meis' 16, 'me coniugem' 23, 'paria repudia thalamis' 52-3.

Seneca's opening owes nothing to Euripides' nurse, who gives a sorrowful and leisurely exposition of the situation. (Ennius followed Euripides fairly closely: fr. 246-54V; we know nothing of the openings of Accius' and Ovid's *Medeas*.) Hatred and frenzy infuse our play from the start, and we are at once struck by Medea's strength of mind and passion. Again in contrast with Euripides, Seneca's Medea already has strong if incoherent ideas about her revenge on Jason—possibly including the killing of her children (see note on 23 ff.)—whereas in Euripides these ideas grow gradually in her mind. In this sense Euripides' Medea develops where Seneca's is static—a comment which is generally true of Seneca's protagonists.

The extended speech and soliloquy are a feature of Senecan tragedy, and point to the roots of his art in declamation and the schools of rhetoric. They allow elbow room for the formal amplification of a situation or theme, with more or less subtle vacillations of mood, the development of ancillary ideas, building up of internal climaxes, and other rhetorical devices. The drawback of this technique is that it makes for static drama, but against this should be set the numerous scenes of quick cut-and-thrust argument, with single lines or half-lines only given to each speaker—another rhetorical trick aimed at a different sort of effect (see 157 n.).

1. **di coniugales**: mainly Jupiter, Juno, Hymenaeus, Venus (*γαμήλιον Ἀφροδίταν*, Eur. fr. 781. 17N): for the phrase see *Thy* 1102-3, Tac. *Ger.* 18 'hos coniugales deos arbitrantur'.

*Seneca Tragedies: Medea*

116

SENECA

MEDEA

EDITED WITH INTRODUCTION

AND COMMENTARY

BY

C. D. N. COSTA

*Senior Lecturer in Classics  
University of Birmingham*

OXFORD

AT THE CLARENDON PRESS

1973